



Klaipėdas universiteta svetainės internete www.ku.lt titulinis puslapis ę Klaipėdas universiteta miestelē neuoguoitiniu pastatū kompleksa fragmentas (portėgrapėjē iš RKIC arkiva)

KLAIPĖDAS UNIVERSITETA LEIDĪKLA

Klaipėdos universiteta leidīkla veik nu 1992 m. Par tou laika ėe jau ĩr išeista daugiau kęp 1 200 pavadėnėma knīngu: muonuograpėju, muokslėniu žornalu, mokslėniu konfėrėncėju pranešėmu rinkiniū, vaduovėliu, muokuomūju knīngu stodėntams, natū rinkėniū, in-pormacėniu, prugėniu universiteta ę anuo fakultetu, institutu leidėniū.

Universiteta leidīklas knīngas 2002 m. bova pristatītas Frankfurta, 2005 m. – Geteborga knīngu mugies, kuožnās metās anuom ĩr prekiauējema Vilniaus knīngu mugie.

KLAIPĖDAS UNIVERSITETA MUOKSLĒNĒ ŽORNALĀ

- **Archaeologia Baltica**
- **Asta Historica Universitatis Klaipiedensis**
- **Jūra ir aplinka**
- **Res Humanitariae**
- **Tiltai**




Viešbutis „Klaipieda“. Mukienės Danutės portėgrapėjē

Klaipėdas universiteta naujiesis pastats šiaurėnie miesta dalle karto so prekibas cėntro. Portėgrapėjė iš RKIC archiva



Klaipėdas universiteta fakultetā



* 1991 m. sausė 1 d. ikūros Klaipėdas universiteta, anamė veikė 3 fakultetā:

* Humanitarėniu ėr gamtuos mokslu fakultets (1994 m. bova reorganizouts i do fakultetus – Humanitarėniu muokslu ėr Gamtuos muokslu);

* Technikas fakultets (1994 m. pavadints Jūru technikas fakulteto);

* Pedaguogikas.

* 1994 m., vīkdont jau veikusiu fakultetu reorganizacijė, bova ikorts ėr dar vėns naus fakultets – Suocelėniu muokslu.

* 1995 m. pri Klaipėdas universiteta bova prijungts Lietovuos mozėkas akademėjės Klaipėdos fakultets. Anuo bazie bova īsteigts Klaipėdas universiteta Menū fakultets.

* 1999 m. – Sveikatos mokslu fakultets.

* 2000 m. universitetė veikės Gamtuos mokslu fakultets, pavadints Gamtuos ėr matematikas mokslu fakulteto.

Nu pat Klaipėdas universiteta veikluos pradiuos ėe dėrbė muokslėninkā daugiausė diemesė skīrė Vakarū Lietovuos, pajūrė regėjuona ūkiou, kultūrā ėr menou. Dabar daugiausė jiegū īr skėrama naujuoms mokslėnės veikluos galėmībiems, katruos šėndėin atsėvėr platemė Baltėjės regėjuona kontekstė.

Klaipėdas universiteta institutā



Universitetou priklausu ne tik 7 fakultetā, bet ėr anėms priklausou muoksla cėntrā ėr dar septīnė savaronkėškā muokslėnius tīrėmus atlėiktou institutā, katrėi īr prilīgėnamė fakultetams.

1. Vėns iš tuokiū muoksla cėntrū īr Baltėjės pajūrė aplinkuos tīrėmu ėr planavėma instituts. Ons bova ikorts 1998 m. vėituo nu 1991 m. veikosė Sistemu analizės muoksla centra. Tas instituts iki 2004 m. priklausė Gamtuos ėr matematikas mokslu fakulteto.

2. Ontrāsīs Klaipėdas universiteta instituts – Baltėjės regėjuona isturėjės ėr archeuoluogėjės instituts, katros 2003 m. bova ikorts vėituo nu 1992 m. veikosė Vakarū Lietovuos ėr Prūsėjės istuorėjės cėntra.

3. 1996 m. ikorts Klaipėdas universiteta Jūreivīstės instituts.

4. Ketvėrts universitetė veikous instituts – Jūrėnė kraštuovaizdė muoksla instituts.

5. Nu 2004 m. universitetė veik Regėjuonėnės puolitikas ėr planavėma instituts.

6. 1995 m. bova ikorts Kvalifikacijės kielėma instituts, katros 2003 m. reorganizoutas i Tėstiniu studėju instituta.

7. Septintāsīs universiteta instituts – Mechatruonikas muoksla.

Kuršiu marės pri Klaipėdas. Mukienės Danutės portėgrapėjė

